

Վ. Ի. Հազարյան

ՍՈՎԵՏԱՅԻՆ ՇԻՆԱՐԱՐՈՒԹՅՈՒՆԸ ՀԱՅԱՍՏԱՆՈՒՄ 1921—1930 թթ.

Գյուղատնտեսության սոցիալիստական վերափոխումը սոցիալիզմի կառուցման դժվարագույն պրոբլեմներից մեկն է։ Այդ վերափոխումը նախապատրաստելու և իրականացնելու գործում մեծ գեր են խաղացել գյուղատնտեսական պետական խոշոր տնտեսությունները՝ սովխոզները, Վ. Ի. Հենինը և կոմունիստական պարտիան բարձր էին գնահատում սովխոզների նշանակությունը՝ նրանց դիտելով որպես օրինակելի սոցիալիստական ձեռնարկություններ։

Վ. Ի. Հենինը սովորեցնում էր, որ սոցիալիստական ռեվյուցիայի հաղթանակից և կալվածատիրական հողերը բռնագրավելուց հետո այդ տարածությունների վրա առաջին լերթին պետք է կազմակերպել խոշոր սովետական տնտեսություններ։ Այդ կալվածները, որտեղ կալվածատերերի ու կապիտալիստների իշխանության ժամանակ «բանվորներից արյուն ու քրտինք էին քամում», պետք է դարձնել «բնկերական տնտեսության նմուշներ»¹։ Վ. Ի. Հենինը կարևոր ուղադրություն էր դարձնում հատկապես այն բանի վրա, որ սովխոզները սերտ կապ պահպանեն շրջապատի գյուղացիական տնտեսությունների հետ, օգնություն ցույց տան նրանց և ապացուցեն խոշոր, սոցիալիստական տնտեսությունների առավելությունները և գերազանցությունը անհատական գյուղացիական տնտեսությունների նկատմամբ։ Հենց դա նկատի ունեն լենինը, երբ 1919² 8-րդ կոնֆերենցիայում պաշտպանում էր այն միտքը, թե պետք է հասնել նրան, «որ սովխոզները և կոմունաները «անմիջապես իրական օգնություն ցույց տան շրջակայքի գյուղացիներին»²։

Մեր նպատակն է այս ուղղվածում տալ Հայաստանի սովխոզային շինարարության համառոտ պատմությունը և սովխոզների կողմից անհատական գյուղացիական տնտեսություններին ցույց տված օգնությունը՝ մինչև գյուղատնտեսության համատարած կոլեկտիվացմանն անցնելը։

* * *

Սովետական իշխանություն հաղթանակի հետևանքով Հայաստանում պետականացվեց 1,5 միլիոն հեկտար հող, այդ թվում բռնագրավվեց 200 հազար հեկտար արքունական, վանքապատկան և կալվածատիրական հողեր, բռնագրավված հողերի մեծ մասը հանձնվեց հողի աշխատավորներին՝ հողագուրկ և սակավահող գյուղացիական տնտեսություններին և միայն մոտ 10 հազար հեկտար կալվածատիրական հող հատկացվեց սովետական տնտեսություններին։

Նախկին կալվածքները, որոնք նրանց տերերի ձեռքին միջոց էին աշխա-

¹ Տե՛ս Վ. Ի. Հենին, Երկեր, հ. 29, էջ 30—31 (4-րդ հրատ.)։

² Նույն տեղում, հատ. 30, էջ 227։

տավորներին շահագործելու, ցուր ու շռայլ կյանք վարելու համար, Սովետական իշխանությունը դարձրեց համաժողովրդական սեփականություն և ծառայեցրեց սոցիալիզմի կառուցման, բանվորների և գյուղացիների դրությունը բարելավելու նպատակին:

Հայաստանում սովխոզների կազմակերպումը սկսվեց սովետական կարգերի հաղթանակից անմիջապես հետո: Դաշնակցականների ավանտյուրայի ջախջախումից հետո, 1921 թ. ապրիլի 12-ին Սովետական Հայաստանի Ռեկոմի նախագահ Ս. Կասյանը հաստատեց «Հայաստանի ԽՍՀ սոցիալիստական հողաշինարարության և սոցիալիստական հողագործությանն անցնելու միջոցառումների կանոնադրությունը», որի 4-րդ հոդվածում նշված է, որ սովխոզները, աշխատանքային արտելները և հողի րնկերական մշակման մյուս ձևերը սոցիալիզմին անցնելու լավագույն միջոցներն են: Կանոնադրության մեջ միաժամանակ ցույց է տրված սովխոզների կազմակերպման նպատակն ու խնդիրները, նրանց գործունեության հիմունքները և այլն:

1921 թ. կեսերին կազմակերպվեցին ուսպուբլիկայի առաջին չորս սովխոզները՝ սոցիալիստական գյուղատնտեսության առաջնեկները: Դրանք էին 1-ին, 2-րդ, 3-րդ, 4-րդ սովետական տնտեսությունները: Հայաստանի առաջին սովխոզները կազմակերպվեցին նախկին կալվածատիրական հողերի վրա:

Առաջին սովխոզի համար օգտագործվեց Հրազդանի ափին ընկած Սարգարի խաղողի այգին և մի քանի այլ ազգայնացված այգիներ՝ 38 դեսյատին տարածությամբ: Երկրորդ սովետական տնտեսությունը կազմակերպվեց Գոտայքում՝ Մոսկով գյուղի մոտ, Աղամալյանների նախկին կալվածքում, 110 դեսյատին հողատարածությամբ: Երրորդ սովխոզը գտնվում էր Երևան—Էջմիածին ճանապարհին՝ Փարաբար և Վարմազիար գյուղերի միջև, Ախարեկյանների նախկին կալվածքում, և ուներ ավելի քան 500 դեսյատին տարածություն: Այս սովխոզը այն ժամանակ ամենախոշորն էր: Չորրորդ սովխոզը կազմակերպվեց Ախթալայում և գոյություն ունեցավ ընդամենը հինգ տարի (1926 թ. լիկվիդացվեց և նրա փոխարեն կազմակերպվեց հանդսայան տուն):

Նախկին կալվածքներից Սովետական իշխանությանը, հիմնականում, և ասելով ժառանգություն էր մնացել միայն ծալրահեղ քայքայված տնտեսությունը և խիստ ուժասպառ եղած հողեր: Բացի այդ, հիշյալ կալվածքները իրենց կուլտուրայով շատ քիչ էին տարբերվում շրջակայքի գյուղացիական տնտեսություններից: Հայկական ԽՍՀ Հողժողկոմատի զեկուցման մեջ այդ տնտեսությունների դրության մասին ասված է. «Հայաստանի խորհրդայնացումից հետո Հողժողկոմատի տրամադրության տակ անցան 5—6 փոքր տնտեսություններ, որոնց կուլտուրական մակարդակը ոչնչով չէր տարբերվում իրենց շրջապատի գյուղացիական տնտեսություններից: Իհն ցարական, թե դաշնակցական կառավարություններից Հայաստանի խորհրդային իշխանությանը չէր անցել և ոչ մի պետական շեն կուլտուրական տնտեսություն: Չնայած այս անմիջիցս ժառանգությանը, Հողժողկոմատը, ինչ գնով էլ լիներ, գյուղատնտեսության բարձրագույն կենտրոններ պիտի ստեղծեր, որի համար նա իր ձեռքի առավելագույն ունեցող մի քանի տնտեսությունները և համառ աշխատանքով սկսեց նրանց կարգավորել»:

ՏՆՆ ՀՍՍՐ ՀԽՍՀ ՊԿՊԱ, ֆ. 113, ց. 3, գ. 9, թ. 10—30:

Նույն տեղում, ֆ. 113, գ. 2, դ. 1211, թ. 63:

Բացի հիշյալ սովխոզներից, Սովետական իշխանության առաջին տարիներին կազմակերպվեցին նաև մի քանի այլ պետական տնտեսություններ, որոնց մեջ իր նշանակությամբ հիշատակության արժանի է Լոռու պետական անասնարուծարանը (1922 թ.):

Հիշյալ բոլոր սովխոզները պատկանում էին Հողժողովրդատն, որոնց ղեկավարությունը բարելավելու համար 1924 թ. Հողժողովրդատնում կազմակերպվեց ընդհատնետեսական տրեստը:

Հողժողովրդատն սկզբնական շրջանում զբաղված էր այն բանով, որ վերականգնի ավերված տնտեսությունները, բանվորների աշխատանքի համար ստեղծի որոշ նորմալ պայմաններ, Սովետական իշխանությունը այդ ժամանակ հնարավորություն ուներ միայն կարճատև վարկերով օգնելու սովխոզներին՝ նրանց խիստ անհրաժեշտ կարիքները հոգալու համար:

Կարճ ժամանակամիջոցում սովխոզներում կառուցվեցին մի քանի բանվորական տներ, վերականգնվեցին ավերված շինությունները, կառուցվեցին դոմեր և արտադրական նշանակություն ունեցող այլ օբյեկտներ: Երրորդ սովխոզում ղործարկվեցին բրինձ մաքրող և բամբակազտիչ դործարաններ, որոնք աշխատեցին մինչև 1925 թ.: Չեռք բերվեցին մի քանի տրակտոր, կենդանի քաշող ուժ և այլն: Բարելավվեց այգիների դրությունը, տնկվեցին խաղողի և պտղատու նոր այգիներ: 1925 թ. 1-ին և 5-րդ սովխոզներում հիմնադրվեցին Ղրիմից բերված խաղողի մուսկատ սորտի այգիներ, որը մեծ նշանակություն ունեցավ Հայաստանում խաղողի այդ նոր, արժեքավոր տեսակների տարածման և զարգացման գործում:

Այգեգործական առաջին սովխոզը ուներ փորձնական-ցուցադրական նշանակություն: Այնտեղ ուսումնասիրում էին խաղողի այգու տնկման նոր եղանակները, ֆիլոքսերայի հայտնաբերման և նրա դեմ պայքարելու միջոցները և այլ հարցեր: Գյուղացիական տնտեսություններին մատեր և տունկեր մատակարարելու համար սովխոզը ստեղծեց խաղողի և պտղատու ծառերի տնկարաններ: Հետազոտական աշխատանքները գիտական հիմքերի վրա դնելու և ընդլայնելու համար այստեղ 1927 թ. բացվեց Այգեգործական կայանը, որն ուներ խաղողագործական, պտղարուծական, քիմիական և այլ բաժիններ:

Կայանի (այժմ Այգեգործության, խաղողագործության և գինեգործության ինստիտուտ) կազմակերպումը մեծ իրադարձություն էր Հայաստանի գյուղատնտեսական գիտության կյանքում, որը փաստորեն ղեկավարում էր անվանի այգեգործ Գ. Գրձելյանը:

Այգեգործական կայանին կից գործում էր Բույսերի պաշտպանության բաժինը, որն օգնում էր գյուղացիական տնտեսություններին՝ գյուղատնտեսական հիվանդությունների և վնասատուների դեմ պայքարելու համար:

Երկրորդ սովխոզը, որը 1924 թ. կոչվեց Մյասնիկյանի անունով, որոշակի արտադրական ուղղություն չուներ: Այստեղ մշակվում էին դաշտային կուլտուրաներ, փորձեր էին կատարվում ծխախոտի մշակության և այն կոտայքի ղյուղերում տարածելու ուղղությամբ: Ստեղծվեց նաև խոզարուծական տնտեսություն՝ խոզերի ցեղական տեսակների զարգացման և տարածման նպատակով:

Երրորդ սովխոզում զբաղվում էին ինչպես դաշտավարությամբ, մասնավորապես բամբակագործությամբ, այնպես էլ այգեգործությամբ: 1924—1925 թթ. Հողժողովում տրոշեց այս տնտեսությունը զարգացնել խաղողագործության գծով: Այդ ուղղությամբ էլ սովխոզը աստիճանաբար սկսեց վերականգնվել: Այնտեղ միաժամանակ փորձեր էին կատարվում շերամապահության, խորդենու մշակության և այլ ուղղությամբ, որը, սակայն, լայն մասշտաբներ չուներ:

Լոռու պետական անասնաբուծարանը սկզբից ևեթ ուներ որոշակի ուղղություն: Նրա խնդիրն էր անասունների ցեղական տեսակների բուծումը՝ ռեսպուբլիկայի կովերի հոտը որակական տեսակետից բարելավելու նպատակով:

Առաջին մի քանի տարիների ընթացքում սովխոզները դեռևս ի վիճակի էին կազմակերպելու տնտեսական-արտադրական լայն գործունեություն և գյուղացիական տնտեսություններին ցույց տալ ագրոնոմիական ու այլ կարգի մեծ օգնություն: Դրա համար անհրաժեշտ էր, որ նրանք ունենային լավ կազմակերպված և կուլտուրապես վարվող տնտեսություն. որակյալ կադրեր, գյուղատնտեսական տեխնիկա, համապատասխան շինություններ և այլն: Մակայն ժողովրդական տնտեսության վերականգնման հաջողություններն արդեն հնարավորություն էին տալիս ուժեղացնելու սովխոզները: Պարտիան և կառավարությունը ձեռնամուխ եղան սովխոզների նյութա-տնտեսական և կազմակերպական ամրապնդման գործին:

1925 թ. փետրվարին ՌԿ(Բ)Պ Կենտրոնական Կոմիտեն որոշում ընդունեց սովխոզների մասին: Ինչպես ասված է այդ որոշման մեջ, սովխոզների շինարարության և ամրապնդման բնագավառում պարտիայի առաջ ծառացած հիմնական խնդիրները հանգում են այն բանին, որ սովխոզը կուլտուրական տնտեսավարման պրակտիկ օրինակ ծառայի և իր ամենօրյա աշխատանքով կապված լինի շրջակա գյուղացիության հետ, նրան օգնի սերմերով, ցեղական տնտեսություններով, տեխնիկայով և գյուղացիներին սովորեցնի հողագործության բարելավված ձևեր: Նշելով սովխոզների աշխատանքում տեղ գտած թերությունները, պարտիայի Կենտրոնական Կոմիտեն ցույց էր տալիս դրանք վերացնելու և սովխոզների գործունեությունը բարելավելու ուղիներն ու միջոցները: Հատկապես ուշադրություն էր դարձվում սովխոզների ֆինանսական օգնության վրա: Պարտիայի այդ որոշումը շրջադարձային կետ հանդիսացավ սովխոզների հետագա զարգացման կյանքում:

Սովետական Միության Աշխատանքի և Պաշտպանության Խորհրդի որոշմամբ 1925 թ. անցկացվեց տրեստների սովխոզների հետազոտություն: Նույն թվականի հուլիսի 9-ին Աշխատանքի և Պաշտպանության Խորհուրդը լսեց Բանվորա-գյուղացիական տեսչության Ժողովրդական Կոմիսարիատի զեկուցումը տրեստների սովխոզների հետազոտության արդյունքների և Պետպլանի զեկուցումը՝ երկրի սովխոզների տնտեսական դրությունը ամրապնդելու միջոցառումների վերաբերյալ և ընդունեց համապատասխան որոշում: Ըսկ մինչ այդ (մարտի 16-ին) արդեն որոշում էր ընդունվել սովխոզներին մի քանի միլիոն ռուբլի վարկ և մի շարք այլ արտոնություններ տալու մասին:

Ելնելով հիշյալ որոշումներից, ՀՍՍՀ Ժողկոմխորհի Տնտեսական խորհրդ-ղակցությունը 1926 թ. փետրվարի 17-ին լսեց Ար. Երզնկյանի զեկուցումը՝

՝ ՏԵՄ՝. «Известия ЦК РКП(б)», № 11—12, 1925.

• ՀՍՍՀ. ՀՈՒՇ. ՊԵՊԼ. Ֆ. 113, ց. 2, դ. 1244. Թ. 4, 101.

սովխոգների ամրապնդման համար Հողժողովմատի ձեռնարկած միջոցառումների մասին: Տնտեսական խորհրդակցությունը որոշեց, որ անհրաժեշտ է ամենից առաջ զարգացնել անասնաբուծարանները, ցուլանոցները, սերմագործարանները, տնկարանները, փորձնական պտղաբուծական գործը, ավելացնել երկարատև վարկերի գումարը և այլն¹:

Պարտիայի և կառավարության ձեռնարկած միջոցառումները «զնեցին վերացնելու թերությունները և նպաստեցին սովխոգների հետագա զարգացմանը:

1925 թ. սկսած սովխոգները վարկեր էին ստանում պլանավորված ձևով, իսկ 1927 թվականից դրանք դարձան նպատակային և երկարատև:

Այդ տարիներին առաջին քայլերը կատարվեցին սովխոգների կողմից գյուղացիական տնտեսություններին օգնություն ցույց տալու բնագավառում: Չնայած օգնությունը դեռևս մեծ չէր, սակայն այդ շրջանում այն ուներ կարևոր նշանակություն:

Այսպես, առաջին սովխոգը միայն 1926 թ. գյուղացիական տնտեսություններին բաց է բողել խաղողի 14 հազար ընտիր մատ, պտղատու ծառերի 15 հազար տնկի և այլն: Սովխոգի ոլսկիչ ապարատները անվճար կերպով օգտագործվում էին շրջակա տնտեսությունների կողմից՝ խաղողի հիվանդությունների դեմ պայքարելու համար: Հիվանդությունների բուժման նման մեթոդը հազվագյուտ երևույթ էր այն ժամանակ:

Մյաճիկյանի անվան երկրորդ սովխոգը երեք տարվա ընթացքում (1924—1926 թթ.) գյուղացիներին բաժանեց 11 միլիոն ծխախոտի սաժիլ, ցուցմունքներ տալով նրա մշակության վերաբերյալ: Սովխոգի ագրոնոմները գյուղացիների հետ ոմնեցել են 25 զրույց՝ գյուղատնտեսական զանազան հարցերի վերաբերյալ: Առաջավոր ցանքաշրջանառության կիրառման շնորհիվ սովխոգում ստացվում էր հացահատիկի համեմատաբար բարձր բերք: «Այն ժամանակ, երբ Կոտայքի շրջանի գյուղացիները իրենց դաշտերի մեկ դեսյատինից ստանում էին 50—60 փութ ցորեն, սովխոգը ստանում էր 100—150 փութ և այդ բոլորը Կոտայքի գյուղացի-բանվորների աչքի առաջ, որոնք տասնյակներով աշխատում են սովխոգում»—կարողում ենք Հողժողովմատի Գյուղտրեստի 1926 թ. հաշվետրվության մեջ: Այնտեղ, այնուհետև, ասված է՝ «Այգեգործության նկատմամբ այն հսկայական հետաքրքրությունը, որ նկատվում է Կոտայքի գյուղացիության մեջ, հանդիսանում է սովխոգի նվաճումը»:

Բացի այդ, հիշյալ սովխոգը տեղական ցեղը բարելավելու համար Դիլիջանի և Նոր Բայազետի գավառներին տվեց մոտ հարյուր զլուխ «Յորքչիր» ցեղի խոզեր և այլն²:

Էջմիածնի գավառի Վարմազիար, Փարաբար և մյուս գյուղերին բազմակողմանի օգնություն էր ցույց տալիս 3-րդ սովխոգը, Դեռևս 1924 թ. հոկտեմբերին սովխոգի դիրեկցիան Գյուղտրեստին հայտնում էր, որ տնտեսությունը բարեկամական հարաբերությունների մեջ է շրջակա գյուղերի հետ. գյուղացիներին օժանդակում է սերմերով և գյուղատնտեսական մեքենաներով (գոթան, սրսկիչ ապարատներ և այլն): Սովխոգում կազմակերպվել է նաև տար-

¹ Նույն տեղում, թ. 36:

² Տե՛ս ՀՍՍՌ ՀՌՍՀ ԳԿԳԱ, ֆ. 123, ց. 1, գ. 1017, թ. 16—18:

բեր կուտուրանների ցուցադրական դաշտ, դեպի որը մեծ հետաքրքրություն է առաջացել գյուղացիների մեջ⁹։

Սովխոզի մասնագետները դաշտավարության և խաղողագործության հարցերի վերաբերյալ շրջակա գյուղերում զրույցներ էին անցկացնում։ Փարաքար գյուղում սովխոզի կալսիչը 1926 թ. կալսեց 5.200 փութ հացահատիկ։ Գյուղացիներին էր տրամադրված նաև սովխոզի սերմազտիչը։ Այն բանի շնորհիվ, որ Հայաստանում առաջինը այստեղ հիմնադրվեց խաղողի Մուսկատ և այլ սորտերի այգի, բազմաթիվ գյուղացիներ մեծ հետաքրքրություն էին ցույց տալիս դեպի այդ լավագույն տեսակները։

Հոռու 1-ին պետական անասնաբուծարանը, որը ձեռք էր բերել մի քանի տասնյակ ցեղական անասուններ («Սիմենտալ» և «Գվից» կովեր և ցուլեր), 1926—1927 թթ. 20 ցուլ տրամադրեց գյուղատնտեսական կոոպերատիվներին կովերի բեղմնավորումը կազմակերպելու և նրանց որակը բարձրացնելու համար¹⁰։

Սովխոզների օգնությունը աստիճանաբար ուժեղանում է նրանց ցանցի լայնացման և տնտեսական զարգացման հետ միասին։

Սովխոզների տնտեսական զարգացումը ներկայացնում է հետևյալ պատկերը (միայն Գյուղատնտեսական տրեստի սովխոզները)։ Եթե 1923 թ. համախառն արտադրանքի գումարը կազմում էր 54.200 ռ., ապա 1927 թ. այն հասավ ավելի քան 202 հազար ռուբլու, իսկ ռեսպուբլիկայի բոլոր սովխոզների համախառն արտադրանքը հասնում էր 300 հազար ռուբլու։ Պետական տնտեսությունների տնտեսարար կշիռը ամբողջ գյուղատնտեսական արտադրանքի մեջ դեռևս շատ չնչին էր. նա հազիվ կազմում էր կես տոկոս¹¹։

1925 թ. սովխոզներում աշխատել են միջին հաշվով 500—600 բանվորներ (մշտական և սեզոնային)։ Սրեք տարվա ընթացքում (1924—1927 թթ.) մշտական բանվորների աշխատավարձը ավելացավ 50 տոկոսով։ Զգալի չափով բարձրացավ նաև սեզոնային աշխատողների աշխատավարձը։

Անհրաժեշտ է, սակայն, նկատի ունենալ, որ սովխոզների ճնշող մեծամասնությունը, քանի որ գտնվում էր ձևավորման և կազմակերպման շրջանում, դեռևս շահութաբեր չէր։ Չնայած դրան, Սովետական կառավարությունը ամեն կերպ օգնում էր նրանց ոտքի կանգնելու, տնտեսապես ամրապնդվելու, հաշվի առնելով այն դերը, որ ունեին սովխոզները գյուղատնտեսության վերակառուցման գործում։

Գյուղատնտեսության կոլեկտիվացմանը անցնելու մասին Կոմունիստական պարտիայի 15-րդ համագումարի (1927 թ. դեկտեմբեր) որոշումը վճռական դեր խաղաց սովխոզների ցանցի ընդլայնման և զարգացման գործում. բարձրացավ նրանց դերը գյուղատնտեսության սոցիալիստական վերակառուցման և խոշոր սոցիալիստական տնտեսությունների առավելությունները ցույց տալու բնագավառում։

Համատարած կոլեկտիվացման նախապատրաստման տարիներին Հայաստանում էլ կազմակերպվեցին մի շարք նոր սովխոզներ, որոնք եղածների հետ միասին զգալի աշխատանք տարան գյուղացիական տնտեսությունների շրջանում։

⁹ Նույն տեղում, ֆ. 123, ց. 3, գ. 1792, թ. 284։

¹⁰ Նույն տեղում, ք. 1, գ. 1017, թ. 18-181։

¹¹ Նույն տեղում, Թ. 3։

1928—1929 թթ. առաջին հնգամյա պլանի համաձայն կազմակերպվեցին 'Իլիիչանի—Սեմյոնովկայի և Ճանրդի կաթնատնտեսնապահական ֆերմաները, որոնք բուծում էին խոշոր եղջերավոր անասուններ և «Բալրաս» ցեղի տեղական ոչխարները: Կազմակերպվեց Այադյազի ֆերման, որի խնդիրն էր աճեցնել և բարելավել «Բալրաս» ոչխարների որակը, բարձրացնել նրանց մթերատվությունը:

1929 թ. դարձան իր գյուղատնտեսական աշխատանքներն սկսեց Լենինականի սովխոզը, որն զբաղվում էր հացահատիկի և շաքարի ճակնդեղի մշակությամբ: Լենինականի շրջանում այդ ուղղությամբ կատարված փորձերը տվել էին լավ արդյունքներ: Ոռոգման համար սովխոզն օգտագործում էր Շիրակի ջրանցքի ջուրը: Հացահատիկային-անասնաբուծական սովխոզ կազմակերպվեց Զոդում (Բասարդեղար):

Այդ բոլոր նոր սովխոզները մտնում էին Գյուղատնտեսական տրեստի սիստեմի մեջ: Նրանից դուրս այդ ժամանակ գոյություն ունեին մի քանի մանր պետական տնտեսություններ, տնկարաններ և այլն, որոնք իրենց գործունեությամբ առանձնապես մեծ դեր չէին խաղում: 1928 թ. Գյուղատնտեսական տրեստից հանվեց Մյասնիկյանի անվան 2-րդ սովխոզը և հանձնվեց Հայաստանի Պետական համալսարանին՝ որպես փորձնական տնտեսություն: Տրեստի իրավասությունից հանվեց նաև (1929 թ.) 1-ին սովխոզը, որը դարձավ Այդեղործական կայանի փորձադաշտը:

1929 թ. բեկման տարի էր նաև Հայաստանի սովխոգային շինարարության զարգացման բնագավառում: Գյուղտրեստի այդ տարվա հաշվետվության մեջ կարդում ենք. «1929 թ. շրջադարձային տարի էր Հայաստանի սովխոգային շինարարության մեջ: Մինչև հաշվետու տարին սովխոզների կազմակերպման վերջնական տեմպը չէր համապատասխանում գյուղատնտեսության վերակառուցման տեմպին: Սովխոզները գյուղատնտեսության վերակառուցման բազան են, բայց նրանք կարող են դառնալ ալյուրսին այն դեպքում, եթե կազմակերպվեն և հենվեն էներգետիկ ուժերի (տրակտորիզացիա, էլեկտրիֆիկացիա և այլն) մաքսիմալ օգտագործման վրա: Հաշվետու տարվանից Գյուղտրեստը լայնորեն խնդիր է դրել հասնել նշված նպատակին, չնայած նյութական սուղ հնարավորություններին»¹²:

Ինչպես ցույց են տալիս փաստերը, 1929 թ. սկսած Հողժողովմատը մեծական շրջադարձ է կատարում ղեպի սովխոզների զարգացումը:

1928—1929 թթ. Գյուղտրեստի կապիտալ ներդրումների գումարը կազմեց 1.550 հազար ռուբլի, որից ավելի քան 1.250 հազար ռուբլին երկարատև բանկային վարկեր էին: Դա հնարավորություն տվեց կազմակերպելու Լոռի խոշոր սովխոզներ, ձևավորելու տրակտորներ և այլ գյուղատնտեսական մեքենաներ, ավելացնել վարելահողերի և այգիների տարածությունը, գնել անասուններ և այլն: 1928 թ. սովխոզների համախառն արտադրույթը կազմեց 263 հազ. ռուբլի, իսկ 1929 թ.՝ 420 հազ. ռ. (յուրաքանչյուր տարվա ղեկավար)¹³:

1929 թ. Հայաստանում, Գյուղտրեստի սիստեմում, կար ութ սովխոզ (այդեղործական, անասնաբուծական և դաշտավարական): Նրանց հատկացված հողատարածությունը հասնում էր մոտ 49.000 հեկտարի, որի մեծ մասը խոտ-

¹² Նույն տեղում, ֆ. 113, ց. 1, գ. 130, թ. 1:

¹³ Նույն տեղում, թ. 6:

հարքներ և արոտավայրեր էին: Վարելահողերի տարածությունը 8650 հեկտար էր, 1928 թ. 247 հեկտարի դիմաց: 3-րդ սովխոզում տնկվեց մի քանի տասնյակ հեկտար խաղողի այգի, ստեղծվեց պտղաբուծական խոշոր տնկարան: Զգալի չափով բարձրացավ սովխոզների տեխնիկական զինվածությունը: Լենինականի նորաստեղծ սովխոզը 1929 թ. աշնանը ուներ 11 տրակտոր և կատարեց 600 հեկտար աշնանացան՝ «ուկրաինկա» տեսակավոր սերմով: Նույն թվականին բոլոր սովխոզները միասին ուներին 24 տրակտոր, 1928 թ. հնդի դիմաց, 45 շարքացան, նախորդ տարվա 9-ի դիմաց, երեք կալսիչ և այլն: Ամբողջ Լենինականի զավառում կալսիչ մեքենան առաջին անգամ աշխատեց Լենինականի սովխոզում:

Նյութական բազայի ընդլայնումը հնարավոր դարձրեց մեծացնելու սովխոզների ագրոկուլտուրական գործունեությունը, գյուղացիների մեջ նրանց կողմից տարվող աշխատանքը: *

Գյուղացիներին ցույց տրվող օգնության գործում սկսում է կարևոր տեղ զբաղեցնել տրակտորը: Լենինականի, 3-րդ և մյուս սովխոզները օգնում էին չքավոր գյուղացիներին՝ արագ վարելու հողակտորները և շուտ կատարելու ցանքը: Եթե մինչև 1928 թ. այդպիսի օգնություն հնարավոր չէր կազմակերպել, ապա այժմ տրակտորով վարի տարածությունը կազմեց 60, իսկ 1929 թ. 400 հեկտար:

Վերջին տարում անասնաբուծական սովխոզներում կազմակերպվեց հրեք լեղմնավորման կայան: Երկու տարվա ընթացքում գյուղացիական տնտեսություններին բաց է թողնվել 57 ցուլ, 90 ցեղական խոզ, ավելի քան 300 փութ զանազան տեսակավոր սերմեր, կալսվել է 85 տոննա հացահատիկ, գտվել է 80 տոննա սերմ և այլն: Միայն 1929 թ. բաժանվել է 40 հազար զանազան տնկիներ, խաղողի 51 հազար մատ¹⁴:

Որոշ սովխոզներում կազմակերպվել էին մեքենայական վարձույթակետեր, որոնք նպաստավոր պայմաններով և առաջին հերթին օգնում էին չքավոր գյուղացիներին, նրանց տրամադրելով գոթաններ, լծկաններ և այլն:

Սեմյոնովկայի, Յանդդի և Լոռու անասնաբուծական սովխոզներում գոյություն ունեին երեք տեխնիկապես կահավորված պանրագործարաններ, որոնք չվեյցարական և այլ ընտիր պաճիրների համար վերամշակում էին ոչ միայն իրենց, այլև գյուղացիների կովերի կաթը, դրանով չքավոր գյուղացիներին ազատելով կուլակների շահագործման հնարավորությունից:

Սովխոզների վերափոխիչ դերը միայն նրանց օգնությամբ կամ ագրոկուլտուրական աշխատանքներով չէր սահմանափակվում: Հարկավոր է նկատի ունենալ նաև, որ սովխոզների աշխատողների ճնշող մեծամասնությունը ղեռնա մշտական բանվորներ չէին: Այնտեղ հիմնականում աշխատում էին մոտակա գյուղերի գյուղացիները, մասնավորապես սեզոնային աշխատանքների ժամանակ, Անձամբ մասնակցելով կուլեկտիվ, կազմակերպված աշխատանքին, նրանք մի կողմից ընտելանում էին դրան, մյուս կողմից ակնառուս լինում կուլտուրական տնտեսության նվաճումներին: Նրանց վրա հատկապես մեծ ազդեցություն էին գործում տրակտորները, որոնք հեշտացնում էին աշխատանքը, և գյուղացիներին ազատում ծանր հոգսից: Ահա ինչ է դրել թղթակիցը Լենինականի սովխոզից. «Գարնան ցանքադաշտի կենտրոնում երկու հսկայական

¹⁴ Նույն տեղում, ֆ. 113, ց. 1, գ. 150, թ. 1-7, և ֆ. 112, ց. 1, գ. 144, թ. 22:

կախող մեքենաներն աղմուկով աշխատում են տրակտորների շարժիչ ուժով և իրենց արդյունքով թե հիացնում և թե զարմացնում են աշխատող գյուղացի-բանվորներին»¹⁵։

Հայաստանի սովխոզային շինարարության նվաճումները ամփոփվեցին 1929 թ. սեպտեմբերին ՀՍԽՀ Ժողովրդական Տնտեսական խորհրդակցության կողմից՝ Նշվեց, որ հատուկ ուշադրություն պետք է դարձնել սովխոզների տեխնիկական զինվածությանը, առաջին հերթին տրակտորային պարկի ընդլայնմանը։ Տնտեսական խորհրդակցությունը հանձնարարեց Հողօգնություն և Գյուղատրեստին՝ կազմակերպել նոր սովխոզներ, ուժեղացնել պայքարը ղեկավար կադրերի հոսունության դեմ, սովխոզները ապահովել որակյալ մասնագետներով և բարելավել բանվորների նյութական և բնակարանային պայմանները։ Սովխոզային շինարարության զարգացման և նրանց ամրապնդման նպատակով հատկացվեց 2,5 միլիոն ռուբլի¹⁶։

1929—1930 թթ. սովետական գյուղը մտավ զարգացման նոր շրջան։ Արմատական բեկում կատարվեց չրավոր և միջակ գյուղացիների մեջ՝ ղեպի կոլեկտիվ տնտեսությունները։ Սկսվեց համատարած կոլեկտիվացումը՝ կուլակության որպես դասակարգի լիկվիդացման հիման վրա։ Նոր էտապ սկսվեց նաև սովխոզների զարգացման համար։ Նոր պայմանների համեմատ փոխվեց նրանց դերը և նշանակությունը։ Եթե մինչև այդ սովխոզները, օրինակելի սոցիալիստական ձևոնարկություններ լինելով հանդերձ, պարտավոր էին օժանդակել գյուղացիական տնտեսություններին, ապա այժմ, շարունակելով մնալ որպես օրինակելի պետական տնտեսություններ, նրանք պետք է օգնեին համատարած կոլեկտիվացման իրականացմանը։ Կոմունիստական պարտիայի XVI համագումարը (1930 թ. հունիս) իր որոշումներում գրում էր այն մասին, որ երկրի ոչ հացահատիկային շրջաններում, արևելյան ռեսպուբլիկաներում և մարզերում մասսայական կոլտնտեսային շարժումը նախապատրաստելու աշխատանքներից մեկն էլ սովխոզների կազմակերպումն է¹⁷։

Նոր պայմանների և հիշյալ որոշման կապակցությամբ սովխոզային շինարարությանը քնազավառում կատարվեցին մի շարք փոփոխություններ։

Ինչպես ասել ենք, Հայաստանի սովխոզների մեծ մասը կենտրոնացած էր Հողօգնություն Գյուղատնտեսական տրեստում։ 1930 թ. տրեստը լիկվիդացվեց։ Ռեսպուբլիկայի այգեգործական սովխոզները հատկացվեցին գինեգործական «Արարատ» տրեստին՝ խաղողի հումքային բազան ամրապնդելու նպատակով, իսկ տրեստը մտավ Հողօգնություն սիստեմի մեջ։ Անասնաբուծական սովխոզները հանձնվեցին միութենական համապատասխան տրեստներին («Սկոտովոդ», «Ովցեվոդ», «Վիճովոդ»)։

Արագորեն կազմակերպվում են պետական նոր տնտեսություններ, ավելանում են կապիտալ ներդրումները և բարձրանում է մեխանիզացիայի մակարդակը։

Միայն 1930—1931 թթ. կազմակերպվեցին Կիրովականի Շահումյանի տնվան պտղարուծական, Հոկտեմբերյանի բամբակագործական, Աղբարայի անասնաբուծական և այլ սովխոզներ։ Հոկտեմբերյանի սովխոզը, որը օգտա-

¹⁵ «Խորհրդային Հայաստան», 11 հոկտեմբերի, 1929։

¹⁶ Նույն տեղում, 10 սեպտեմբերի, 1929։

¹⁷ Տե՛ս ՄԽԿԳ-ն բանաձևերում ու որոշումներում, 3-րդ մաս, Հայպետհրատ, 1933։

գործում էր Փոքր Սարգարարապի ջրանցքով ոռոգվող հողերը, րնդարձակվելով հետագայում բաժանվեց մի քանի ինքնուրույն սովխոզների:

1930 թ. Հոկտեմբերյանում կազմակերպվեց ռեսպուբլիկայի առաջին մեքենա-տրակտորային կայանը, որը սպասարկում էր բազմաթիվ կոլտնտես-սությունների, սովխոզների և մենատնտես գյուղացիների:

Որոշ սովխոզներ արդեն հնարավորություն ունեին կոլտնտեսություններին ավելի շատ օգնելու:

Երրորդ սովխոզը, որը ուներ հզոր տրակտորային բրիգադա, ոչ միայն իր սեփական հերկն էր կատարում, այլև օգնում էր մի շարք կոլտնտեսություններին: Կոլեկտիվացման առաջին զարնանը սովխոզի տրակտորիստները վերին հաթունարխի, Չոբանբարայի, Ներքին Քյոլանլուի, Ղարսիչլաղի, Վարմազիարի, Փարաքարի և մի քանի այլ կոլտնտեսություններում կատարեցին բամբակի և հացահատիկի հարյուրավոր հեկտար վար:

Գյուղատնտեսության համատարած կոլեկտիվացման տարիներին սովխոզների գործունեությունը դառնում է ավելի հարուստ և բազմակողմանի: Պատմական այդ ժամանակաշրջանում սովխոզների գործունեության պարզաբանումը առանձին ուսումնասիրության նյութ է:

Այսպիսով, Հայաստանի սովխոզները, որոնց կազմակերպումը սկսվել է Սովետական իշխանության հաղթանակից անմիջապես հետո, իրենց հնարավորությունների սահմաններում ձգտել են լինել օրինակելի, կապվել իրենց շրջապատող աշխատավոր գյուղացիության հետ, օգնել նրան, նախապատրաստել գյուղատնտեսության սոցիալիստական վերակառուցումը: Եւ նշանակում է, որ նրանք կատարում էին այն խնդիրները, որոնք սովխոզների առաջ դրել էին Վ. Ի. Լենինը, Կոմունիստական պարտիան:

Համաստարած կոլեկտիվացման հաղթանակին ժողովուրդը, որի մեջ սովետական տնտեսությունները զգալի դեր խաղացին, ստեղծվեցին բազմաթիվ նոր սովխոզներ, ավելացավ նրանց ցանքատարածությունների, խաղողի և պտղատու այգիների տարածությունը, խոշոր եղջերավոր անասունների և ոչխարների զիխաքանակը:

Այդ տարիներին կազմակերպվեցին մի քանի տասնյակ տնտեսություններ, որոնք այնուհետև խոշորացվեցին և Հայրենական պատերազմի նախօրյակին նրանց թիվը հասավ 14-ի: Ըոռու տնասնարածական, 3-րդ, 1-րդ, Թախրովի անվան, Կիրովի անվան, Հոկտեմբերյանի և մյուս սովխոզները ձևաբերեցին արտադրական զգալի հաջողություններ, իսկ նրանց մի մասը մասնակցեց Համախորհրդային գյուղատնտեսական ցուցահանդեսին:

Հայրենական պատերազմի հաղթական ավարտումից հետո արագ տեմպով ծավալվեց սովխոզային շինարարությունը: Հանդես եկան 9-րդ (Էջմիածնի շրջան), Ստալինի անվան, «Արաբս», Շահումյանի անվան (Հոկտեմբերյանի շրջան), «Զեյթուն», Թումանյանի անվան (Նոյեմբերյանի շրջան) և բազմաթիվ այլ սովխոզներ:

Սովխոզների, ինչպես և ամբողջ սոցիալիստական գյուղատնտեսության զարգացման համար նոր էտապ բացեց Կոմունիստական պարտիայի Սևստեմբերյան պլենումը (1953 թ.):

1953 թ. համեմատությամբ, այժմ ուսպուրիկայի սովխոզների թիվը կրկնապատկվել է և անցնում է 80-ից, մոտ 400 հազար հեկտար հողատարածությամբ Դրանց մի մասը կազմակերպվել է կոլտնտեսությունների բազայի վրա: Լեյզեգործական սովխոզները կենտրոնացած էին Հայկական ՍՍՌ Ժողովրդական Հանրապետության տրեստում, իսկ անասնապահական սովխոզները՝ Գյուղատնտեսության մինիստրությունում: Հիմնական արտադրության մեջ զբաղված աշխատողների միջին տարեկան թիվը 1940 թ. 2,5 հազարի և 1953 թ. 7,5 հազարի դիմաց 1959 թ. հասավ 25,8 հազարի: Լամրոջ գյուղատնտեսության մեջ եղած 3867 րարձրագույն և միջնակարգ կրթություն ունեցող մասնագետներից 1248-ը աշխատում են սովխոզներում և մյուս պետական տնտեսություններում: Սովխոզներն ապահովված են ժամանակակից գյուղատնտեսական տեխնիկայով: Վերջինս ավելի ու ավելի է ընդգրկում գյուղատնտեսության ղեկավար շմբինայացված գործողությունները: Էլեկտրիֆիկացված է ուսպուրիկայի սովխոզների 96 տոկոսը, 1950 թ. 63 տոկոսի դիմաց:

Սովխոզներում 1960 թ. հունվարի 1-ին խոշոր եղջերավոր անասունների զլխաքանակը հասավ 47,8 հազարի կամ 1954 թ. համեմատությամբ ավելացավ ավելի քան 12 անգամ, նույն ժամանակամիջոցում կովերի զլխաքանակը ավելացավ ավելի քան տասն անգամ՝ 15 հազարից հասնելով 15,2 հազարի: 1959 թ. սովխոզների և մյուս պետական տնտեսությունների խազողի և պտղատու այգիների տարածությունը կազմում էր 13 հազար հեկտար, 1937 թ. 4,3 հազար հեկտարի դիմաց¹⁸:

Ռեսպուբլիկայի սովխոզների աշխատավորները կոլտնտեսային գյուղատնտեսության հետ միասին պայքարում են գյուղատնտեսական մթերքների առատություն ստեղծելու, մեկ շնչին բնկնող մթերքների արտադրությամբ ԼՄՆ-ին հասնելու և անցնելու համար:

Գյուղատնտեսության յոթնամյա պլանի խնդիրները կատարելու համար սովխոզային և կոլտնտեսային աշխատավորների ուժերը մոբիլիզացնելու գործում մեծ դեր կխաղան ՍՄԿՊ 1961 թ. Հունվարյան պլենումը, պլենումում և նրանից հետո կայացած խորհրդակցություններում Ն. Ս. Խրուշչովի ղեկնցած ելույթները:

Պարտիայի Հունվարյան պլենումը սովետական ժողովրդին և գյուղատնտեսության բոլոր աշխատողներին զինեց գյուղատնտեսության հետագա վերելքի, բնակչության համար սննդամթերքների և արդյունաբերության համար նումքի առատություն ստեղծելու ծավալուն ծրագրով: 1961 թ. փետրվարին Խորհրդիսիում կայացած Լենդրկովկասի գյուղատնտեսության առաջավորների խորհրդակցությունը քննարկեց Վրաստանի, Ադրբեյջանի և Հայաստանի կոլտնտեսային և սովխոզային աշխատավորների խնդիրները պարտիայի ծրագիրն իրականացնելու բնագավառում: Խորհրդակցությունում Ն. Ս. Խրուշչովը նշեց, որ «Յուրաքանչյուր ուսպուրիկա պետք է իր ավանդը մուծի մթերքների արտադրության անընդհատ ավելացման գործում»¹⁹:

Վերանայելով իրենց հնարավորությունները, ուսպուրիկայի կոլտնտեսությունները և սովխոզները ստանձնեցին կոնկրետ պարտավորություններ՝ յոթ-

¹⁸ Տվյալները վերցրել ենք «Советская Армения за 40 лет» վիճակագրական ժողովածուից:

¹⁹ «Սովետական Հայաստան», 12 փետրվարի, 1961:

նամյակի երրորդ տարում բարձր լերք ստանալու և անասնաբուժական մթերքների արտադրությունը ավելացնելու համար:

Կոմունիստական պարտիայի մշակած ծրագրի իրականացումը ապահովելու նպատակով վերակազմվել է Հայկական ՍՍՌ Գյուղատնտեսության մինիստրությունը: Կենսագործվում են նաև մ շարք այլ միջոցառումներ:

Հայկական ՍՍՌ Գերագույն Սովետի Նախագահության 1961 թ. մարտի 4-ի Հրամանագրով կազմվել է Հայկական ՍՍՌ Մինիստրների Սովետին առընթեր Սովխոզների գլխավոր վարչությունը: Լեյզ միջոցառումները կօգնեն սովխոզային աշխատավորներին՝ կատարելու Ռեսպուբլիկայի պարտավորությունները:

Ռեսպուբլիկայի առաջին սովխոզների կազմակերպումից անցել է 40 տարի: Զորս տասնամյակի ընթացքում նրանք դարձել են, բարձր մեքենայացված, շահութարեր, ապրանքային արտադրության խոշոր կենտրոններ: Նրանց կողքին հանդես են եկել տասնյակ այլ սովխոզներ, որոնք զգալի տեղ են գրավում Հայաստանի գյուղատնտեսական արտադրության մեջ: Կոլտնտեսությունների հետ միասին մեր ռեսպուբլիկայի սովխոզները խնայողությամբ են զարգացմանը նոր ժամանակաշրջան: